



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ.Խորենացու 3, 7

29.03.2024թ

Որոշում թիվ 000156/21

Վարչական իրավախախտման գործի վերաբերյալ

ՀՀ պետական եկամուտների կոմիտեի նախագահի տեղակալ Արթուր Մանուկյանս՝ քննելով 22.02.2024 թվականի «հարկային պարտավորությունների հաշվարկումն անհնարին դառնալու» վերաբերյալ» թիվ 3008252-Ա արձանագրության հիման վրա 12.03.2024 թվականին հարուցված վարչական վարույթի նյութերը՝

Պարզեցի

ՀՀ պետական եկամուտների կոմիտեի նախագահի 22.02.2024 թվականի թիվ 3008252 որոշման համաձայն «ԱՐԵՆ-ԳՐՈՒՊ» ՍՊ ընկերության մոտ (ՀՎՀՀ՝ 03029807) մոտ հանձնարարվել է իրականացնել համալիր հարկային հսկողություն:

ՀՀ ՊԵԿ նախագահի 01.02.2024թ-ի թիվ 3008252 հանձնարարագրի (հիմքը ՀՀ քննչական կոմիտեի տնտեսական հանցագործությունների և մաքսանենգությունների գլխավոր վարչության հինգերորդ վարչության քննիչ Վահե Սահակյանի 26.01.2024թ-ի որոշում) համաձայն «ԱՐԵՆ-ԳՐՈՒՊ» ՍՊԸ-ում (ՀՎՀՀ՝ 03029807) նշանակված համալիր հարկային ստուգումը՝ (այսուհետ՝ Ստուգում) սկսելու նպատակով Ստուգման հանձնարարագրում ներգրավված գլխավոր հարկային տեսուչներ Տիգրան Գիշյանը և Արսեն Բադալյանը (այսուհետ՝ Տեսուչներ) Ստուգման հանձնարարագիրը 06.02.2024թ-ին տեղադրել են հարկային մարմնի հաշվետվությունների ներկայացման էլեկտրոնային կառավարման համակարգի «ԱՐԵՆ-ԳՐՈՒՊ» ՍՊԸ-ի անձնական էջում: Ստուգման

հանձնարարագրում ընդգրկված գլխավոր հարկային տեսուչ Տիգրան Գիշյանը 095-53-56-34 հեռախոսահամարից 15.02.2024թ-ին ժամը 15:57-ին զանգ է կատարել ընկերության տնօրեն Տիգրան Մաթևոսյանին 077-25-25-23 հեռախոսահամարով ստուգումը փաստացի սկսելու համար պայմանավորվածություն ձեռք բերելու նպատակով: Վերջինս հայտնել է, որ գտնվում է Վայոց Ձորի մարզում և Ստուգումն իրականացնելու նպատակով կարող է Տեսուչների հետ հանդիպել երկուշաբթի օրը՝ 19.02.2024թ-ին: 19.02.2024թ-ին ժամը 10:11-ին: Տիգրան Գիշյանը 095-53-56-34 հեռախոսահամարից զանգ է կատարել Տիգրան Մաթևոսյանին 077-25-25-23 հեռախոսահամարով, ով հայտնել է, որ դեռևս գտնվում է Վայոց Ձորի մարզում և այդ օրը նույնպես չի կարող հանդիպել Ստուգումը սկսելու նպատակով, սակայն հաջորդ օրը՝ 20.02.2024թ-ին ք. Երևանի Չարենցի փողոցում (Զիզգագ խանութի մոտ) գտնվող «ԱՐԵՆ ԳՐՈՒՊ» ՍՊԸ-ին հաշվապահական ծառայություններ մատուցող գրասենյակում ժամը 15:00-16:00-ի սահմաններում կարող է հանդիպել տեսուչների հետ՝ Ստուգումը սկսելու նպատակով: 20.02.2024թ-ին ժամը 12:03-ին Տիգրան Գիշյանը 095-53-56-34 հեռախոսահամարից զանգ է կատարել Տիգրան Մաթևոսյանին 077-25-25-23 հեռախոսահամարով, վերը նշված պայմանավորվածությունը հաստատելու նպատակով, վերջինս հայտնել է, որ 15:30-16:00 սահմաններում կներկայանա նշված հասցե: Նույն օրը ժամը 15:46-15:49-ի սահմաններում այցելել են նշված հասցե, որտեղից հեռախոսազանգ են կատարել Տիգրան Մաթևոսյանին, վերջինս հայտնել է, որ չի կարող ներկայանալ նշված հասցե, սակայն հաջորդ օրը՝ 21.02.2024թ-ին կզանգահարի Տիգրան Գիշյանին տուգում սկսելու համար նոր պայմանավորվածություն ձեռք բերելու նպատակով: Հաջորդ օրը՝ 21.02.2024թ-ին ժամը 09:50-11:38-ի ընթացքում Տիգրան Գիշյանը 095-53-56-34 հեռախոսահամարից բազմաթիվ զանգեր է կատարել Տիգրան Մաթևոսյանին 077-25-25-23 հեռախոսահամարով, սակայն վերջինիս հեռախոսահամարը գտնվել է անհասանելի: Նույն օրը Տիգրան Գիշյանը և Արսեն Բադալյանը ժամը 12:50-ի սահմաններում այցելել են ընկերության իրավաբանական հասցե՝ Կոտայքի մարզ, ք. Հրազդան, Կենտրոն թաղ. 20, 32 բն.: Տիգրան Մաթևոսյանի կին ներկայացած անձնավորությանը հայտնել են, որ ցանկանում են հանդիպել «ԱՐԵՆ ԳՐՈՒՊ» ՍՊԸ-ի տնօրեն Տիգրան Մաթևոսյանին: Որպես կին ներկայացած անձնավորությունը հայտնել է, որ Տիգրան Մաթևոսյանը տանը չի գտնվում և

նրա վերադառնալուն պես կհայտնի, որ կապ հաստատի: Վերը նկարագրվածի արդյունքում հնարավոր չի եղել սկսել ՀՀ ՊԵԿ նախագահի 01.02.2024թ-ի թիվ 3008252 հանձնարարագրով նշանակված Ստուգումը:

«ԱՐԵՆ ԳՐՈՒՊ» ՍՊԸ-ի տնօրեն Տիգրան Մաթևոսյանի (<ԾՀ՝ 2905920211, հասցե՝ Արարատի մարզ, գ. Այնթափ, 5 փ., 73.) կողմից վերը նկարագրված արարքի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6 հոդվածով:

Փաստի կապակցությամբ հարուցվել է վարչական վարույթ և Տիգրան Մաթևոսյանը ծանուցվել է այդ մասին:

Պատշաճ ծանուցված լինելով 29.03.2024թ-ին նշանակված վարչական իրավախախտման գործի քննության վայրի և ժամանակի մասին ընկերության տնօրեն Տիգրան Մաթևոսյանը և/կամ վերջինիս ներկայացուցիչը չի ներկայացել:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

- 1) հարկային հսկողություն իրականացնող պաշտոնատար անձի օրինական պահանջները չկատարելու,
- 2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,
- 3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,
- 4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182⁶ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված ստուգման հետագա ընթացքն ապահովելու համար:

ՀՀ հարկային օրենսգրքի 33-րդ հոդվածի 1-ին մասի 8-րդ կետի համաձայն հարկ վճարողը և դրա պաշտոնատար անձը պարտավոր է աշխատանքային պայմաններ ապահովել հարկային հսկողության իրականացման համար, այդ թվում՝ հարկային հսկողություն իրականացնող պաշտոնատար անձանց տրամադրել հարկի կամ վճարի հաշվարկման և վճարման համար անհրաժեշտ փաստաթղթերը, տվյալները և այլ տեղեկությունները, դրանց լուսապատճենները (լուսապատճենահանման ծախսերը կատարվում են հարկային մարմնի միջոցների հաշվին) կամ կրկնօրինակները:

Նույն մասի 10-րդ կետի համաձայն պարտավոր է չխոչընդոտել հարկային հսկողություն իրականացնող պաշտոնատար անձանց ծառայողական պարտականությունների կատարմանը, կատարել նրանց օրինական պահանջները:

Տվյալ դեպքում հարկ է նշել «ԱՐԵՆ ԳՐՈՒՊ» ՍՊԸ-ի տնօրեն Տիգրան Մաթևոսյանը, տեղեկենալով ընկերությունում իրականացվող ստուգմանը, պարտավոր էր ապահովել ստուգում իրականացնող պաշտոնատար անձանց օրինական պահանջները, մասնավորապես, ստանալ ստուգումն իրականացնող անձանց կողմից գրավոր պահանջվող տեղեկատվությունը և ներկայացնել պահանջվող փաստաթղթեր և տեղեկություններ:

Տվյալ դեպքում, հարկային հսկողության ընթացքում Տիգրան Մաթևոսյանը խոչընդոտել է հարկային հսկողության ընթացքին, ինչի արդյունքում էլ հարկային հսկողությունը բնականոն ընթացք չի ունեցել:

Վարույթն իրականացնող մարմինը հարկ է համարում նշել նաև, որ տվյալ դեպքում բացակայում են իրավախախտում կատարած անձի կողմից իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, և բացակայում են իրավախախտումը կատարած անձի պատասխանատվությունը մեղմացնող հանգամանքները: Նշվածից ելնելով, վարույթն իրականացնող մարմինը գտնում է, որ իրավախախտում կատարած անձի նկատմամբ նախազգուշացում վարչական պատասխանատվության միջոցի կիրառման հիմքերը բացակայում են:

Հիմք ընդունելով ամբողջ վերագրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244², 246.1-րդ, 281-րդ հոդվածներով, 282 հոդվածի 2-րդ կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 182.6-րդ հոդվածի «ԱՐԵՆ ԳՐՈՒՊ» ՍՊԸ-ի տնօրեն Տիգրան Մաթևոսյանի նկատմամբ կիրառել վարչական տույժ՝ նշանակելով տուգանք 250.000 ՀՀ դրամի չափով:

 Recoverable Signature

X 

ԱՐԹՈՒՐ ՄԱՆՈՒԿՅԱՆ

Signed by: MANUKYAN ARTUR 3801690067

ԱՐԹՈՒՐ ՄԱՆՈՒԿՅԱՆ

Ծանոթություն. Սույն վարչական ակտը ստորագրված է «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված կարգով՝ էլեկտրոնային եղանակով:

Վարչական իրավախախտումների վերաբերյալ ՀՀ օրենսգրքի համաձայն Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից:

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը հանձնելու /հանձնված համարվելու/ օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. **900005240487** տուգանքի <<նպատակ>> դաշտում պարտադիր նշելով որոշման համարը: